

三三醫書第二集第十六種

醫
學
說
約

杭州三三醫社出版

第 十 六 種
醫 學 說 約
提 要

夫中醫載籍汗牛充棟欲求提要鉤元成一種有系統合乎科學法程約而精當之書洵戛戛乎其難哉不爲裘氏讀有用書樓藏書中有秋田散人所著醫學說約一卷足以當之其內容先提綱後分目提綱下別列風寒暑濕等門立論分目下由風寒暑濕等門中再列各門之見證立論論中又各列証因脈治淘沙取金引經據典一書已賅萬卷爰特付刊以惠中西醫家

醫學說約序

間嘗漁獵方書不啻汗牛充棟然不明其要雖多亦奚以爲故自素難而下其說詳矣使未能耳而目之亦何從探其秘奧采其精微乎固知不事乎博無遽求約既得其約無更驚博此不特技術然也而技術爲益切予小子既乏五能徒窮五技豈敢逞其私智以妄談醫學哉蓋自王大父青莎公以折肱行世而家嚴又善繼之予旣已廢書箕裘宜繼故嘗留心於斯道者久矣然每以寡聞渺見爲虞而蠡測管窺不無醯雞蝨犬之誚曩年習館於羽仁吳氏始得略參萬一焉羽翁者國手也伊姪允成予忝一日之長門下高足若劉周諸子莫不術效長桑予得飲其上池從而求教雖學步邯鄲殊深自愧而得其片語未嘗不口誦心維而筆誌之茲因貧有餘閒得折衷於載籍纂成一偏名曰說約亦聊以見其旨而已夫醫學之深雖千言萬語不可以窮而欲以微辭盡其大意

觀者得毋少之乎然與其言之詳而汗漫無歸不如說之約而簡略有要也若
曰道盡是矣予小子則何敢

秋田散人自識


樣本庫

三三醫書第二集總目

11 10 9 8 7 6
溫證指歸 察病指南 醫醫醫 鬼遺方 伏邪新書 痢疾明辨 經歷雜論 醫學課兒策 千里醫案 崇實堂醫案 醫脈摘要

22 21 20 19 18 17 16 15 14 13 12
肯堂醫論 伏瘟證治實驗談 集驗背疽方 腳氣治法總要 發背對口治訣論 醫學妙諦 醫學說約 醫中一得 過庭錄存 延陵弟子紀要 女科折衷纂要

33 32 31 30 29 28 27 26 25 24 23
走馬急疳方 羊毛瘟證論 琉球問答奇病論 中風論 素問校義 治痢捷要新書 長沙證彙 金氏門診方案 證治心傳 柳橋漫風



25230

三三醫書第二集總目

一

醫學說約目次

雜症提綱

風 寒 暑 濕 燥 火 脾胃 氣 血 痰 鬱 熱 虛

雜症分目

風門

頭眩 頭痛 面風 眼 耳 鼻 牙 口舌唇 痛風 痺斑

疹

寒門

咳嗽 心痛 腹痛

暑門

瘧 痢 霍亂

濕門

痞滿 泄瀉 黃疸 腫脹 腰痛 疝 脚氣

燥門

消渴 秘結

火門

吞酸 脇痛 遺精 白濁 淋 小便不通 小便不禁 脫肛

喉痹

脾胃門

傷食 積聚 癥瘕 痞塊

氣門

氣滯

血門

吐血 衄血 咳血 嗽血 唾血 咯血 溺血 便血 痔漏

痰門

喘哮 惡心 嘈雜 噯氣 嘔吐 噦 呃逆 噎膈 反胃 關格 瘰癧

癰 顛狂 驚悸 怔忡 健忘

虛門

發熱 惡寒 自汗 盜汗 痿 厥 勞瘵

婦人門

經閉 月事不調 崩淋 帶下 胎前 產後

醫學說約目次終

醫 學 辨 正

紹興張筱溥學使窮研醫經
深悟脈理他乞假歸來活人
不少晚年著這部書能發明
軒歧的蘊奧辨正後人的誤
解又選定了一百六十種藥
品辨別性味列在十二經脈
後後世研究醫學的人可以
作指南針書凡四大本木刻
古雅用中國賽連紙印刷定
價八角研究醫學者請速購

醫學說約

三三醫書第二集第十六種

秋田散人著

裘吉生校刊

雜症提綱

風

風爲百病之長中之者必由先傷於內後感於外也氣虛則陰血不長血虛則熱極風生實因裡虛爲本風痰爲標間有外觸者標中之兼症耳初中宜驅風逐痰若中腑則脈浮肢廢病在表宜汗之中臟則脈沉竅滯病在裏宜下之中血脈則脈不浮沉六經無症二便自通但口眼喎斜病在半表裡不宜汗下宜和之至於中經則脈亦平等肢不能舉口不能言病只在手足陽明二經宜補血養筋以治之而左癱右瘓又當調其營衛逐其風痰未可偏於養血補氣也大抵重於外感者先驅外邪後補中氣重於內傷者先補中氣後驅外邪或主

散風而補損佐之或主滋補而散邪佐之又豈可執一乎其脈浮遲者吉急疾者凶此真中風也若類中風者有寒中有暑中有溼中有火中有虛中有氣中有食中有惡中寒則溫之暑則清之溼則滲之火則降之虛則補之氣則調之食則消之惡則辟之隨症而施治之可也外有傷風者感冒猶輕但鼻塞聲重新咳而脈浮大者是其病在肺實則解其肌表從汗而發虛則固其衛氣兼解風邪兼火者宜外發內和食停者兼消痰盛者兼逐因於熱者兼清之則正氣伸而邪氣解矣

寒

中寒者寒邪直中陰經惟有三陰虛實內外之別太陰則脈沈細而中脘痛吐利腹滿少陰則脈沈遲而臍腹痛昏沈肢冷厥陰則脈沈微而小腹痛唇青厥逆當隨症溫之若感冒寒邪只在皮膚腠理但頭重眉稜骨痛拘急惡寒其勢

猶緩一汗可散其有兼風兼食兼氣與勞等症當參酌治之

暑（靜而中者陰症中暑 動而中者陽症中暑）

暑症有二靜而中者陰症內傷陽氣不越病必頭痛惡寒大熱無汗宜發散動而中者陽症外感熱傷元氣病必面垢少氣熱渴有汗宜清暑其脈皆虛若腸鳴水瀉者腸胃受之惡心者胃口有痰二者皆冒暑躁亂不寧身如針刺者熱傷肉分此爲傷暑三者宜解散之凡暑入心則昏悶入肝則眩暈入脾則昏睡入肺則喘滿入腎則消渴此五臟症也

濕

溼者土之濁氣屬脾脾虛則不能制水也水漿生冷爲內傷陰雨濕地爲外感脈浮主緩緩爲在表沈緩爲在裡大抵在上宜發汗在中下宜利水在下宜升提所謂開鬼門潔淨府爲上下分消之法而提氣則水亦行也其症身重且痛

喘脹關節不利若風則眩暈寒則攣急暑則煩渴痰則涎溢熱則發黃著腎則肢重著脾則肢浮須汗之滲之燥之補之

燥

燥者陽明金氣肺爲火燥也然熱主消耗熱極而風生寒主收斂寒極而凝結不特熱能燥而寒亦能燥不可不知也且肺不生水腎不生精脾不生涎肝無滋養血液皆枯是又以虛爲本寒熱爲標耳其脉緊濇者寒濇數者熱浮弦者風滋陰降火瀉心潤腸豈非治之大略乎

火

火內陰而外陽主乎動者也故凡動皆屬火大怒則火起於肝醉飽則火起於胃悲哀則火起於肺房勞則火起於腎竊聞之矣而掉眩爲肝火憤鬱爲肺火腫滿爲脾火瘡瘍爲心火經不又云乎自二火五火而外名類紛紛其實一氣

氣氣有餘即是火矣氣滯則真元變爲烈焰水衰又不能制之輕則口糜便秘重則喉痹吐紅甚則熱極生風風痰內鼓而爲癰瘰等症治宜實者瀉之虛者補之鬱者發之寒感者散之輕者降之重則從其性而升之陰虛者補陰則火自降火盛者從治乃可制狂其脈主洪數當隨部斷之

脾胃

脾爲五臟之源胃爲六腑之海納受能勝動化常健中州建而百病不生然其性喜溫喜燥喜流通若冷濕黏滯一有傷之即有吐瀉痞滿諸症凡飲食飢飽風痰寒熱勞役思慮種種病因雖當兼治總以補元氣爲一以中宮爲人身之根本也其脉（異脈是病）多緩若氣口倍人迎爲不足內傷右關沈滑爲有食宿食兼浮緊洪數者皆病脈也脾脈弦者木克土耳病亦未退

氣

百病皆生於氣其實火爲之禍耳所謂不足爲氣有餘爲火也其症怒則氣逆喜則氣緩悲則氣消恐則氣下寒則氣收熱則氣泄驚則氣亂勞則氣耗思則氣結其脈長則氣治短則氣病數則氣熱上盛則氣喘下盛則氣脹代則氣衰細則氣少凡氣病脈小則退盛則進也治宜補不足瀉有餘總以調氣爲主或虛則補母實則瀉子以三臟治本經之虛實則得矣

血（今人惟知肝虛則血虛余謂肝虛不過無藏血之地若脾健而能生血肝豈得虛哉猶諸土厚而滋木焉得枯惟土薄瘠乾燥木自凋零故欲養肝血不如先養其脾陰斯治本矣）

血者生化（關係處）於脾總統於心藏受於肝宣布於肺施泄於腎配於氣而充於體者也若血從火起錯經妄行從肺溢曰鼻衄曰咳嗽從胃溢曰嘔吐從腎出曰咯唾曰血絲從溺出曰淋濁從便出曰腸風臟毒痔漏大抵皆陽盛陰

虛耳其脈寸盛則上溢尺盛則下滲關盛則嘔吐芤數則火冲微遲爲吉搏大爲凶治之之法未見血宜消宜和已見血宜涼宜活舊血未盡宜化新血未生宜補而脾胃切緊事尤不可不保也

痰

痰飲皆因濕土爲害脾爲生痰之源復其健運則自化矣心經熱痰脈（主滑）洪滑肝經風痰脈浮滑脾經濕痰脈濡滑肺經燥痰脈數滑腎經寒痰脈遲滑此五種痰也積久則發爲溢飲虛懸流走爲懸飲旁流胸脅爲支飲伏於隱曲爲伏飲積於腸胃爲積飲此五種飲也火鬱則稠黏陰虛則咳血傷於酒食則脇痛風則青濕則黑寒則白熱則黃大要以順氣爲主而燥脾爲佐當兼治也

鬱

鬱者遏抑不舒暢也怒氣傷肝脈（主沉）沉弦爲氣鬱悲哀傷肺脈沉澹爲濕

鬱謀慮傷神脈沉數爲火鬱飲食傷胃脈沈滑爲食鬱肝傷血動脈沉芤爲血鬱丹溪雖有氣血食痰濕熱六症不外水鬱折之火鬱發之金鬱泄之木鬱達之土鬱奪之之治折者抑之制其衝逆發者汗之令其疎散泄者滲泄令其分消達者吐之令其條達奪者下之令無壅凝要必理氣爲先消積次之

熱

熱乃陽病陰虛則內熱陽勝則外熱內外皆熱必喘且渴也晝熱在氣夜熱在血上焦熱則渴中焦熱則躁下焦熱則結表熱則翕翕裡熱則蒸蒸半表裡熱則不甚心熱在血脈肝熱在肉下脾熱在手足肺熱在皮毛腎熱在骨髓風熱則頭痛濕熱則身痛食熱則腹痛虛熱則無定實熱則有常發熱則暴勞熱則蒸潮熱則如瘧往來寒熱則時作又熱極生寒寒極生熱大熱似寒大寒似熱其症多端不可執一要必清各經之氣血補其虛瀉其實其大法也熱（主數）